



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. V. Solvuntur objectiones,

[urn:nbn:de:hbz:466:1-77146](#)

432 DISPUTATIO DECIMATERTIA

Vazquezii, & aliorum, qui dicunt Angelum A posse non attendere ad aliquod praeceptum positivum, sibi à Deo ut auctore naturæ impositum; subindeq; ex illius inconsideratione posse peccare. Cùm enim consideratio talis præcepti positivi, ad conservandum amorem Dei naturalem necessaria sit; tunc saltem quando urget ejus obligatio, Angelus ad illam ex natura sua determinatus est: unde non potest ex illius præcepti inconsideratione peccare.

26 Probatur secundò prima pars conclusionis: Status naturæ integræ & sanæ, est naturaliter debitus Angelo: Ergo & impeccabilitas directè contra ultimum finem naturalem. Antecedens est certum: per hoc siquidem differt essentialiter Angelus ab homine, quod quia iste essentialiter compонitur ex partibus naturaliter sibi contrariis & adversis (scilicet appetitu sensitivo, & appetitu rationali) integritas naturæ ipsius (quæ consistit in perfecta subordinatione illorum appetituum) non est illi naturaliter debita, solumque ex dono gratiæ illi à Deo confertur: at verò Angelus, ex eo quod sit essentialiter substantia omnino simplex & spiritualis, naturaliter exigit integratatem suæ naturæ. Consequentia verò probatur: quia statui naturæ integræ & sanæ omnino repugnat peccatum directè contra ultimum finem naturalem; alias posset ejusmodi natura simul esse sana naturaliter, & insirma etiam naturaliter.

27 Denique eadem pars ratione probabili suaderi potest: Nam inter corpora datur aliquod ita perfectum ratione suæ elevationis supra alia (nempe corpus cœlestis) ut sit omnino indefectibile in suis operationibus naturalibus: Ergo similiter inter substantias spirituales creatas debet reperiri aliqua ita perfecta, ratione suæ elevationis supra alias substantias spirituales, ut saltem in actionibus naturalibus, immediate & directè circa finem naturalem versantibus, peccare non possit.

28 Secunda pars conclusionis sequitur ex dictis in prima assertione. Angelus enim est directè peccabilis contra legem & finem supernaturalem: Sed non potest directè peccare contra legem supernaturalem, nisi indirectè & consequenter peccet contra naturalem: Ergo Angelus contra legem naturalem in directè & mediately contra legem naturalem peccare potest. Probatur Minor: Licet finis naturalis, & lex ipsius, non præcipiant aliquid formaliter de supernaturalibus; dictant tamen, hoc ipso quod creatura intellectualis est ordinata ad finem supernaturalem, omnia naturalia esse ad illum ordinanda, hisque utendum esse ut mediis in ordine ad illum: dictant pariter ejus legem esse servandam; unde transgressio directa præcepti supernaturalis, est violatio saltem indirecta legis naturæ, & istius dictaminis naturalis: cuiuscumque legitimè præcipienti in quacumque materia obediendum est: Ergo Angelus contra finem & legem naturalem, indirectè saltem & mediately peccare potest, peccando scilicet directè contra finem supernaturalem.

§. IV.

Solvuntur objectiones.

29 Ex dictis solutum manet præcipuum Adversariorum fundamentum. Dæmones, inquit, quotidiè peccant contra legem & finem naturalem; sunt enim mendaces, & hominibus

farta, fornicationes, adulteria, & alia peccata suadent, quæ constat esse contralem naturalem: Ergo non sunt impeccabiles circa finem & legem naturalem.

Facillè enim responderetur, Dæmones peccata illa facere ex odio Dei auctoris supernaturalis; & rationem formalē in omnibus in quibus Dæmon peccat, esse deordinationem à fine supernaturali: ac proinde per se primò & directè, seu immediatè & formaliter peccare semper contra finem supernaturalem; contra naturalem vero solum quasi materialiter & mediately, seu indirectè & per accidens: sicut damnati & desperantes indirectè & per accidens appetunt non esse, quod directè & per se appetere non possunt. Quemadmodum ergo, licet Dæmones aliqua inreditum faciant, quæ sunt ex genere suo peccata tantum venialia; sicut cùm homines provocant ad risum, vel ad mendacium jocofum, semper tamen peccant mortaliter, propter intentionem quâ huc faciunt, ut docet D. Thomas 1.2. quæst. 89 art. 4. ad 3. Ita similiter, licet quædam facere videantur quæ sunt contra legem naturalem, quia tamen hæc faciunt ex odio Dei auctoris supernaturalis, contra finem supernaturalem peccant.

Objiciunt secundò: Peccatum Angelorum, consistit in eo quod non satis se subjecerunt voluntati Dei: At omnem creaturam debere esse voluntati Dei subjectam, est præceptum legis naturæ, & veritas quæ solo lumine naturali cognoscit: Ergo Angelus contra legem naturalem peccare potest, & defacto peccavit.

Sed hæc nullius sunt momenti, Major enim faciliè distinguere potest: Peccatum Angelorum consistit in eo quod non satis se subjecerunt voluntati Dei, ut auctoris naturæ nego; ut auctoris finis supernaturalis, concedo. Nam ut docet D. Thomas h̄ic art. 3. Angelus primo peccavit in eo quod in sua perfectione & beatitudine naturali ut in ultimo fine quievit, eamq; ad beatitudinem supernaturalem, quæ erat finis ejus ultimus, non ordinavit: in quo includitur transgressio legis supernaturalis, & aversio à Deo ut auctore & fine supernaturali. Vel etiam dici potest, peccasse, quia beatitudinem supernaturalem, ad quam erat ordinatus, voluit habere ex virtute suæ naturæ, & non ex auxilio gratiæ: quod etiam est legem supernaturalem transgredi, & à Deo ut auctore & fine supernaturali averti.

Objiciunt tertio: Ex nostra sententia sequitur Angelum posse ex viribus naturæ cognoscere quod datur finis supernaturalis; quia ex viribus naturæ cognoscit se esse peccabilem, idque esse connaturale omni creature ex nihilo productæ; aliud verò certus est se esse impeccabilem contra finem naturalem, si hochaberet ex principiis extrinsecis: Ergo cognoscere se esse peccabilem contra finem supernaturalem, atque adeo dari finem supernaturalem.

Sed negatur sequela: ad cuius probationem dico, quod licet Angelus ex vi luminis naturalis cognoscat se esse impeccabilem directè contra legem & finem naturalem, non tamen sic distinctè & in particulari se esse peccabilem contra legem & finem supernaturalem, sed tantum in communis se esse peccabilem, ignorando circa quid in particulari sit peccabilis: eo modo quo Dæmon cognoscendo per lumen naturale humanitatem Christi existere in rerum natura fine existentia creata, ignorabat tamen quomodo, & quā alia existentia in particulari existaret.

Ob-

Objicunt ultimò: Si Angelus in puris naturalibus constitutus, non posset peccare contra precepta naturalia, eorum observatio non esset libera, nec subinde libertaria: Sed hoc non est dicendum: Ergo nec illud. Sequela probatur: Angelus esset ad illam observationem ex natura indeterminatus: Ergo illa non esset ei libera. Respondeo distinguendo Majorem: Non esse libera, quod specificationem, & libertate contrariatur, concedo: quoad exercitium, & libertate contradictionis, nego. Sicut enim Beati liber amant nos, & ea quæ non habent necessitatem connectionem cum Deo, nec tamen peccare possunt circa talia objecta: sed ad illa necessitantur quod specificationem: ita similiter Angelus in puris naturalibus constitutus, libere quoad exercitium operaretur, & necessariò solum quod specificationem. Licet enim in talibus non haberet potentiam ad bonum & malum indifferentem, haberet tamen indifferentiam ad hoc vel illud bonum hic & nunc amandum, quia non necessitatetur ad hoc ut semper et in aequali amore omnis boni in particulari: hanc autem differentiam & libertatem sufficere ad meritum, patet in Christo, in beata Virginem, & aliis Sanctis confirmatis in gratia, qui perfectissime meruerunt, quamvis in illis non esset potentia ad peccandum, & indifferentia ad bonum & malum, nec subinde libertas specificatio- nis & contrarietatis.

ARTICULUS II.

Quodnam fuerit primum peccatum Angelorum?

Circa primum Angelorum peccatum variæ sunt Theologorum sententiae. In primis enim illi qui corpora vel Angelis omnibus, & vel demonibus affigunt, tale peccatum eorum fuisse consentaneum, ut cum orbi huius administrando propositi essent à Deo, mulierum capti species, super cuius eis consuetudinem habuerint, ac propter eam impietatem & flagitium, è celo dejecti sint. Ita docet Clemens Alexandrinus lib. 2. Padag. cap. 2. ubi ait quod mali Angeli, duplachridinum reliquerunt, propter pulchritudinem que flaccisit, & propterea è celo delapsi esse. Et lib. 3. Stromat. Angelii quidam (inquit) intemperantia duci, vidi cupiditate, huc è celo deciderunt. Idem sentire videtur Tertullianus lib. de idolo- laria cap. 9. ubi malos Angelos vocat, desertores Dei, & amatores feminarum, & propterea damnatos à Deo esse afferit. Et in libro de Virginibus vendidis, cap. 7. ad Angelos refert illud quod apostolus ait 1. ad Corinth. 11. mulieres in Ecclesia debetē velati, propter Angelos Dei: ne faciliter eatum pulchritudo, illecebra sit Angelis, ad eas libidinose amandas: quos (inquit) legimus à Deo & celo excedisse, ob concupiscentiam feminarum. Unde concludit: Debet ergo adumbrari facilius & periculo, que si que ad celum scandalum jaculat. Eadem sententia favere videtur Ambrosius lib. 1. de Virginibus, ubi sic ait: Quam præclarum autem Angelos propter intemperantiam suam, in scandalum excedisse de celo; virginem propter castitatem in celum transisse de celo. Hie error tuus dispat. 1. confutatus est, ibi enim ostendimus Angelos nulla habere corpora naturaliter sibi unita, sed esse puros spiritus, ab omni materia.

Tom. II.

A labo segregatos. Unde hac prætermissa sententia:

Sunt aliqui inter Theologos qui assertunt primum Angelorum peccatum non fuisse quidem luxuria corporeæ, ut citati Authores existimarent, dicunt tamen eos primum peccasse peccato luxuria spiritualis, consistentis in nimia delegatione seu complacentia de seipso, seu de propria excellentia. Ita Scotus in 2. dist. 6. quæst. 2. Alii invidiâ primum eos esse lapsos existimant, quia nimis aut hominum generi invidissime volunt, aut eorum Principi & capiti Christo. Valentia vero, & nonnulli alii, censent primum Angelorum peccatum fuisse quidem superbia; potuisse tamen esse alterius generis aut speciei, putata inobedientia. Demum S. Thomas hic artic. 2. quem sequuntur omnes ejus Discipuli, & plures ex Recentioribus, docet in Angelis non fuisse, nec esse potuisse aliud primum peccatum, quam superbia.

§. I.

Statuitur prima Conclusio.

Dico primum: primum Luciferi peccatum, tandemque cæterorum, fuit superbia propriè dicta.

Probatur: De actionibus liberis Angelorum sentiendum est juxta eā quæ ex Scriptura & ex SS. Patribus habemus; cum enim sint res supernaturales, de se nobis occultæ, solum mediante diuinâ revelatione, quæ per Scripturam & SS. Patres ad nos derivatur, nobis manifestantur: Sed ex Scriptura & Patribus aperte colligitur, primum Angeli peccatum fuisse superbiæ propriè dictam: Ergo ita & non aliter sentiendum nobis est. Major patet, Minor vero ex variis Scripturæ & SS. Patrum testimoniosis declaratur: In primis enim Itaie 14. in persona Regis Assyriorum allegoricè describitur peccatum principis Dæmonum: Sed ibi dicitur: *Detracta est ad inferos superbia tua: quomodo cecidisti de celo Lucifer, qui dicebas in corde tuo, in talum descendam? &c;* quæ verba manifeste sunt superbia: Ergo superbia fuit primum Luciferi peccatum: Item Ezechiel. 28. ubi sub persona Regis Tyti describitur peccatum diaboli, illi dicitur: *Elevatum est confitum in devere tuo, &c.* Sed elevatio cordis, superbia est: Ergo & primum Luciferi peccatum.

Magis litteraliter id probatur aliis Scripturæ testimoniosis: primum habetur Lucæ cap. 10. ubi sicut advertit D. Gregorius lib. 23. Moral. cap. 7. ut Christus reprimeret elationem discipulorum gaudientium de eo quod dæmones illis subjiciebantur, dixit: *Videbam Sathanam sicut fulgur de celo cadentem: significans illum propter superbiæ cecidisse.* Et Apostolus iad Timotheum 3. ait: Neophyti non esse eligendum in Episcopum, ne in superbiæ elatus, in iudicium incitat diaboli; id est ne damnationem diaboli subeat, imitando ejus superbiæ. Ergo diabolus damnationem subiicit propter superbiæ. Denique Tobia 4. Tobias dixit filio suo: *Superbiæ nunquam in tuo sensu, aut in tuo verbo dominari permittas: in ipsa enim initium sumpsit omnis perditio.* Atqui omnis perditio homini, immo & Angelorum, sumpsit initium à peccato principis dæmonum: Ergo peccatum illius fuit superbia; quam alii Angeli apostatae imitati sunt.

Favent etiam SS. Patres, diabolum, ejusque latellites, non alio prius quam superbia peccato corrufasse, passim asserentes. Nazianzenus enim